



UPRAVA POLICIJE

Broj: 05-04/06-11-307/23/RS  
Datum: 27.03.2023. godine

Na osnovu člana 8. stav (2), člana 17. stav (1), člana 18. stav (1) i člana 90. Zakona o javnim nabavkama BiH („Službeni glasnik BiH“, broj: 39/14 i 59/22), Pravilnika o postupku dodjele ugovora o uslugama iz Aneksa II Zakona o javnim nabavkama (Službeni glasnik BiH, broj 2/23), člana 26. i člana 27. stav (3) Zakona o unutrašnjim poslovima Unsko-sanskog kantona (“Službeni glasnik USK-a”, broj: 13/16 i 16/17), Pravilnika o postupku direktnog sporazuma MUP USK-a („Službeni glasnik USK-a“, broj: 1/15) i Privremenog plana javnih nabavki Uprave policije MUP USK-a za 2023. godinu, načelnik Sektora kriminalističke policije Uprave policije MUP USK-a **d o n o s i**:

**ODLUKU**

**o pokretanju postupka nabavke usluga iz Aneksa II Zakona o javnim nabavkama**

Član 1.

Odobrava se pokretanje postupka javne nabavke društvenih i drugih posebnih usluga iz Aneksa II Zakona o javnim nabavkama („Službeni glasnik BiH“, broj: 39/14 i 59/22), odnosno usluga obrazovanja i stručnog osposobljavanja, savjetovanja, seminara i sl. za potrebe Uprave policije MUP USK-a u periodu od 01.01.2023. godine do 31.12.2024. godine (dvije godine).

Član 2.

Postupak javne nabavke provest će se u skladu sa Zakonom o javnim nabavkama Bosne i Hercegovine („Sl. glasnik BiH“, broj 39/14 i 59/22), podzakonskim i internim aktima.  
Procijenjena vrijednost javne nabavke bez PDV-a iznosi do 6.000,00 KM (slovima: šest hiljada i 00/100 KM).  
Za provođenje javne nabavke sredstva su planirana DOB-om (Dokumentom okvirnog budžeta) USK-a za period 2023.-2025. godina, Zaključak Vlade USK-a broj: 03-017-4763/2022 od 01.07.2022. godine.  
Nabavka će se finansirati iz sredstava budžeta Uprave policije MUP USK-a za 2023. i 2024. godinu.  
Oznaka i naziv iz Jedinstvenog rječnika javne nabavke (JRJN):  
80000000-4 Usluge obrazovanja i stručnog osposobljavanja

Član 3.

Javni poziv za nabavku društvenih i drugih posebnih usluga bit će objavljen na Portalu javnih nabavki, zajedno sa obavještenjem o nabavci u skladu sa članom 3. stav (1) Pravilnika o postupku dodjele ugovora o uslugama iz Aneksa II ZJN (Službeni glasnik BiH, broj 2/23).  
Ugovorni organ će u obavještenju o nabavci i javnom pozivu utvrditi primjeren rok za prijem ponuda, ne kraći od deset dana od dana objave obavještenja o nabavci.

Član 4.

S obzirom da Ugovorni organ nabavlja predmetne usluge od više dobavljača u tom slučaju nije obavezno zaključenje ugovora, te se račun za pruženu uslugu može smatrati ugovorom u skladu sa članom 4. stav (2) Pravilnika o postupku dodjele ugovora o uslugama iz Aneksa II Zakona o javnim nabavkama.

Član 5.

Za izvršenje ove odluke zadužuje se Sektor za materijalno - finansijske poslove i informacijsko - komunikacijske tehnologije, Odsjek za materijalno opremanje i komercijalne poslove.

Član 6.

Ova odluka stupa na snagu danom donošenja.

## Obrazloženje

U postupku rješavanja nabavke društvenih i drugih posebnih usluga iz Aneksa II Zakona o javnim nabavkama BiH („Službeni glasnik BiH“, broj: 39/14 i 59/22), odnosno usluga obrazovanja i stručnog osposobljavanja, savjetovanja, stručnih seminara iz oblasti javnih nabavki i dr. oblasti za potrebe Uprave policije MUP USK-a u periodu od 01.01. 2023. godine do 31.12.2024. godine utvrđeno je da je predmetna nabavka osnovana i da sadrži sve potrebne elemente za odlučivanje.

Predmetna nabavka je predviđena u Privremenom planu nabavki Uprave policije MUP USK-a za 2023. godinu broj: 05-04/06-11-226/23/RS od 28.02.2023. godine pod rednim brojem 37. Usluge stručnog usavršavanja (seminari i sl.). Za provođenje javne nabavke sredstva su planirana DOB-om (Dokumentom okvirnog budžeta) USK-a za period 2023.-2025. godina, Zaključak Vlade USK-a broj: 03-017-4763/2022 od 01.07.2022. godine. Nabavka će se finansirati iz sredstava budžeta Uprave policije MUP USK-a za 2023. i 2024. godinu.

Pri donošenju ove odluke Uprava policije MUP USK-a se posebno rukovodila činjenicom da je neophodna nabavka predmetnih usluga zbog potrebe stalnog stručnog usavršavanja, savjetovanja i edukacije službenika koji provode postupke javnih nabavki kao i zbog potrebe usavršavanja zaposlenika Uprave policije iz drugih oblasti. Predmetna nabavka je realno procijenjena s obzirom na utrošena sredstva za ovu vrstu nabavke u prethodnim godinama.

Na osnovu utvrđenog činjeničnog stanja, odlučeno je kao u članu 1. ove odluke.

Dostavljeno:

- Sektor za mat.-fin. poslove i IKT- za objavu
2. Sektor za finansijsko-računovodstvene i analitičke poslove MUP USK-a
3. a/a



NAČELNIK SEKTORA  
KRIMINALISTIČKE POLICIJE  
samostalni inspektor

Jusuf Mešić